



REPUBLIKA E KOSOVËS
KOMUNA LIPJAN
REPUBLIKA KOSOVO
OPŠTINA LIPLJAN



Pranuar më: Primjeto: 14.06 20 24		
Njësia Jednica	Numri Broj	Shtojca Dodatak
1-016/01-29036		

REPUBLIKA E KOSOVËS
REPUBLIKA KOSOVA
REPUBLIC OF KOSOVA

KOMUNA E LIPJANIT
OPŠTINA LIPLJAN
MUNICIPALITY OF LIPLJAN

Zyra e Kryetarit të Komunës

**PROCESVERBAL NGA PROCESI I
KONSULTIMIT PUBLIK
DRAFT STRATEGJIA DHE PLANI I
VEPRIMIT PËR PERSONAT ME AFTËSI
TË KUFIZUAR
NË KOMUNËN E LIPJANIT**

2024-2027

HYRJE

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021 Udhëzimi administrativ UA Nr.04/2023 për administratë të hapur në komuna. Rregullores mbi Transparencën në Komunën e Lipjanit Nr. 15-353-35739, e datës 30.06.2021 si dhe Planit të Veprimit për Transparencë në Komunë dhe me qëllim të nxitjes dhe sigurimit të pjesëmarrjes së qytetarëve dhe palëve të tjera gjatë procesit të politik bërjes dhe vendimmarrjes së Kuvendit të Komunës së Lipjanit. Draft Plani i Veprimit dhe Strategjia për Personat me Aftësi të Kufizuar në Komunën e Lipjanit 2024-2027 dhe Zyrtari përgjegjës për menaxhimin me Platformen e Konsultimeve Publike dhe Koordinimin e zbatimit të standarteve minimale të konsultimit publik në Komunën e Lipjanit kanë shpallur në:

KONSULTIM PUBLIK

Draft Plani i Veprimit dhe Strategjia për Përsonat me Aftësi të Kufizuar në Komunën e Lipjanit 2024-2027

Njoftimit i është bashkangjitur edhe linku i konsultimeve publike dhe linku i platformes për konsultime publike të Qeverisë së Kosovës, ku ka qenë në diskutim publik ky dokument si edhe informatë shtesë se kujt i adresohen komentet.

Shih linqet:

<https://kk.rks-gov.net/lipjan/wp-content/uploads/sites/20/2024/05/Vendim-per-konsultimin-e-publikut-plani-dhe-strategjia-PAK-1.pdf>

<https://kk.rks-gov.net/lipjan/konsultimet-publike/dokumentet-ne-konsultim-publik/>

<https://konsultimet.rks-gov.net/viewConsult.php?ConsultationID=42439>

<https://konsultimet.rks-gov.net/viewConsult.php?ConsultationID=42438>

<https://www.facebook.com/photo/?fbid=853018473519169&set=a.291330176354671>

Draft Plani i Veprimit dhe Strategjia për Personat me Aftësi të Kufizuar në Komunën e Lipjanit

2024-2027

INFORMATË RRETH KONSULTIMEVE PUBLIKE

Lidhur me Draft Planin e Veprimit dhe Strategjia për Personat me Aftësi të Kufizuar në Komunën e Lipjanit 2024-2027 janë zhvilluar 2 konsultime publike.

Në Takimin e parë në prezencën e 46 pjesëmarrësve, ishte i pranishëm edhe Nënkryetari i Komunës së Lipjanit z. Diamant Bytyqi, Znj. Pascale Roussy Drejtoreshe e Departamentit për Demokratizim nga OSBE, Donat Rexha, përfaqësues nga Unicef dhe Shkelzen Hajdini, Drejtor i Drejtoratit për Shëndetësi dhe Përgjegjësi Sociale në Komunë e Lipjanit.



Gjithashtu në këtë aktivite moren pjesë edhe Kryetari i OJQ Handikos ne Lipjan, z. Afrim Mena, Jetbardha Selmani perfaqesuese e OJQ Down Syndrome Kosova, Nënkryetari i Komunës së Shtimes z. Faruk Beqa, z. Etnik Berjani Kryetar i komisionit konsultativ për PAK në Fushë Kosovë, znj. Sala Mustafa zyrtare komunale e mirëqenies sociale në Prishtinë dhe shume persona me aftësi te kufizuara.

Drejtori i DSHPS-së z. Shkelzen Hajdini hapi takimin dhe theksoj rëndësinë e Strategjisë dhe Planit te Veprimit për Personat me Aftësi të Kufizuara duke potencuar se Komuna e Lipjanit është e përkushtuar për të siguruar një përfshirje të plotë të personave me aftësi të kufizuar në jetën sociale, ekonomike dhe institucionale pavarësisht gjinisë, përkatësisë etnike, religjionit apo prejardhjes.

Me tutje, duke uruar OSBE-ne për 25-vjetorin e operimit të saj në Kosovë z. Hajdini tha se ky dokument është një angazhim serioz përmes te cilit Komuna e Lipjanit synon të përfshijë ne mënyrë aktive te gjitha organizatat vendore, ndërkombëtare, OSHC-te dhe te gjithë akterët relevant ne krijimin e një ambienti i cili garanton mundësi të barabarta dhe respektim të plotë të të drejtave të personave me aftësi të kufizuar.

Draft Plani i Veprimit dhe Strategjia për Personat me Aftësi të Kufizuara në Komunën e Lipjanit
2024-2027

INFORMATË RRETH KONSULTIMEVE PUBLIKE

Nënkryetari i Komunës së Lipjanit z. Diamant Bytyqi, theksoi angazhimin e komunës për të zhvilluar shërbime që adresojnë nevojat specifike të personave me aftësi të kufizuara.

Dokumente të tilla synojnë gjithmonë harmonizimin e bashkëpunimit të ngushtë ndërmjet institucioneve, komunitetit lokal dhe organizatave joqeveritare, për të siguruar që çdo veprim të jetë drejtpërdrejt i lidhur me nevojat e personave me aftësi të kufizuara.

Ai vlerësoi gjithashtu përkushtimin e Kryetarit Imri Ahmeti për përfshirjen dhe integrimin e personave me aftësi të kufizuara në të gjitha sferat e jetës publike. Në qytetin e Lipjanit infrastruktura është përmirësuar ndjeshëm, duke ndërtuar pjerrinat e nevojshme që lehtësojnë lëvizjen e personave me aftësi të kufizuara deri te shërbimet institucionale.

Drejtoresha e Departamentit për Demokratizim nga OSBE znj. Pascale Roussy nga OSBE, ka thënë se OSBE-ja këtë vit po shënon 25-vjetorin e operimit të saj në Kosovë. Me këtë rast, ajo ka shprehur rëndësinë e Strategjisë dhe Planit të Veprimit për Personat me Aftësi të Kufizuara, i cili mbron dhe promovon respektimin e të drejtave të personave me aftësi të kufizuara, të cilat garantohen edhe nga OKB-ja.

Me tutje, znj. Pascale Roussy falënderoj komunën e Lipjanit për punën e mirë në krijimin e qasjes së plotë të personave me aftësi të kufizuara në shërbimet komunale dhe të shprehur mbështetjen e OSBE-së për Komunën e Lipjanit për këtë iniciativë tejet të rëndësishme.

Ajo tha se OSBE ka resurse dhe kompetencën nga përvoja e mëhershme për të vazhduar të ndihmojë Komunën e Lipjanit në realizimin e disa nga aktivitetet kryesore nga Plani i Veprimit si: promovimi dhe edukimi shëndetësor për PAK, shkëmbimi i përvojave të mira, forcimin e bashkëpunimit me organizatat e shoqërisë civile etj.

Ndërsa të pranishmit paten rastin të inkuadrohen dhe të komentojnë rreth këtyre dy dokumente shumë të rëndësishme.

Z, Afrim Mena, Uroj Komunën e Lipjanit për hartimin e kësaj strategjie dhe këtij plani dhe u shpreh se është mirënjohës për përfshirjen e Handikos dhe personave me aftësi të kufizuara gjatë punimeve në këtë dokument. Po ashtu ai tha se plani është i detajuar dhe mbulon gati të gjitha fushat. Mirepo, ai tha se veprimi 5.2.16 Sigurimi i zyrave për shërbime të PAK, nuk është i mjaftueshëm duke arsyetuar se HANDIKOS ka nevojë për një Qendër dhe një objekt të madh i cili do të i mundësonte të licencohej.

Komisioni u pajtua se Handikos ka nevojë për një objekt madh dhe një Qendër e cila do të i mundësonte të licencohej; mirëpo, e beri të qartë se për të ndërtuar këtë qendër duhet të identifikohet një prone e përshtatshme, e cila plotëson kriteret e ndërtimit, duhet të gjinden mundësitë e financimit të këtij projekti të kushtueshëm. Kështu që, komisioni propozoj që në objektin e vjetër të QKMF- së, me kalimin e shërbimeve shëndetësore në objektin e ri i cili po ndërtohet e i cili pritet të përfundojë në vitin e ardhshëm, të i ofrohen hapësira të nevojshme Handikos-it dhe OJQ-ve tjera për shfrytëzim dhe ofrimin e shërbimeve të nevojshme për licencim.

INFORMATË RRETH KONSULTIMEVE PUBLIKE

Z. Adriatik Llugiqi nga Qendra e Inovacionit në Lipjan, uroi Komunën për këtë dokument dhe propozoi fokus në përfshirjen e PAK nga zonat rurale. Me tutje, ai tha se duhet të ofrohen shërbime për barazinë gjinore me qëllim të parandalimit të stigmatizimit të vajzave dhe të bëhet digjitalizimi i shërbimeve dhe promovimi digjital i punësimit për personat me aftësi të kufizuara.

Komisioni u pajtua se ka nevojë për digjitalizim të mëtutjeshëm të shërbimeve dhe rritjen e informimit digjital për punësim për PAK. P ashtu, komisioni informoi diskutuesin se parashihen veprime konkrete për parandalimin dhe ndalimin e stigmatizimit të PAK në këtë plan.

Z. Agime Tasholli kërkoi që ky plan të përfshijë aktivitete dhe veprime të cilat do të mundësonin transportimin e PAK, adaptimin e pjerrinave në stacion të autobusëve dhe shenjëzimin e disa vendeve me shenjen për PAK në autobusët publik.

Komisioni, informoi se do të merren parasysh këto propozime, dhe nëse nuk janë në plan do të përfshihen. Megjithatë, komisioni informoi se kemi vështirësi ngase në Lipjan nuk kemi transport publik komunal.

Z. Diamant Drenica kërkoi që në këtë Plan të Veprimit të mbështeten PAK duke u siguruar transportin pa pagese. Me tutje, ai kërkoi që të krijohet mundësi të barabarta në punësim për të gjithë.

Komisioni, aprovoi kërkesat e tij dhe e falënderoi për kontributin e dhënë në finalizimin e këtij dokumenti.

Z. Ibrahim Zogaj nga OMPAK, kërkoi një qendër për PAK e cila do të ofronte shërbime terapeutike, psikologjike, sociale dhe organizmin e aktiviteteve tjera. Komisioni propozoi që në objektin e vjetër të QKMF-së, me kalimin e shërbimeve shëndetësore në objektin e ri i cili po ndërtohet, të ofrohen hapësira të nevojshme Handikos dhe OJQ-ve tjera për shfrytëzim dhe ofrimin e shërbimeve të nevojshme.

Z. Mentor Zeka, nga OSBE Qendra Regjionale e Prishtinës, kërkoi të futet si kriter në gjatë procesit të prokurimit rregullimi i kushteve infrastrukturore për PAK. Po ashtu, ai kërkoi të bëhet një komision për identifikimin e problemeve infrastrukturore në Komunën e Lipjanit, i cili do të identifikonte problemet në qasje dhe do të rekomandonte veprime konkrete.

Me tutje, **Z. Zeka**, duke u ndërlidhur me linjat e transportit publik, tha që është i informuar se Lipjani nuk ka linja publike të transportit publik, por propozoi të hyjmë në marrëveshje me Komunë e Prishtinës dhe ta hapen linja të transportit publik urban Prishtine Lipjan. Po ashtu ai njoftoi se Prishtina ka bashkëpunuar me komunat fqinje.

Komisioni, u pajtua me **Z. Zeka** dhe e njoftoi se edhe komuna e Lipjanit ka nënshkruar një Memorandum të Mirëkuptimit me Komunë e Prishtinës për dy linja të transportit publik urban.

Draft Plani i Veprimit dhe Strategjia për Personat me Aftësi të Kufizuar në Komunën e Lipjanit
2024-2027

INFORMATË RRETH KONSULTIMEVE PUBLIKE

Takimi u mbajt ne Hotel Venus, filloi në oren 10:00 dhe mbaroi në ora 13:00

Në këtë takim konsultativ kanë marrë pjesë 46 pjesëmarrës, prej tyre femra 18 dhe 28 meshkuj.

Metodat e Konsultimit	Datat/kohëzgjatja	Numri i pjesëmarrësve/konsultimin publik-kontribuuesve
15ditë pranohen komentet		46
15 ditë		

Në **Konsultimin e dytë i cili u mbajt me 13.06.2024** nën kryesimin e dektorit për Shëndetësi dhe Përkudjesje Sociale, Shkelzen Hajdini, sot në sallën e Kuvendit të Komunës së Lipjanit është mbajtur takim konsultativ për Draft Planin e Veprimit dhe Strategjia për Personat me Aftësi të Kufizuar në Komunën e Lipjanit 2024-2027.



Drejtori Hajdini, ka theksuar edhe rëndësinë e Strategjisë dhe Planit te Veprimit për Personat me Aftësi të Kufizuara duke potencuar se Komuna e Lipjanit është e përkushtuar për të siguruar një përfshirje të plotë të personave me aftësi të kufizuar në jetën sociale, ekonomike dhe institucionale pavarësisht gjinisë, përkatësisë etnike, religjionit apo prejardhjes.

Draft Plani i Veprimit dhe Strategjia për Personat me Aftësi të Kufizuar në Komunën e Lipjanit

2024-2027

INFORMATË RRETH KONSULTIMEVE PUBLIKE

Drejtori Hajdini, po ashtu gjatë këtij takimi ka felenderuar edhe grupin punues për kontributin e tyre në hartimin e këtij plani duke prezantuar edhe komisionin në përbërje:

1. Diamant Bytyqi, Nënkyetar i Komunës së Lipjanit, Kryesues
2. Shkelzen Hajdini, Drejtor i Drejtoratit për Shëndetësi dhe Përkujdesje Sociale, anëtar
3. Rasim Hasani, Drejtor i Drejtoratit për Arsim, anëtar
4. Hasan Luma, Zyrtar në Drejtoratin për Administratë, anëtar
5. Makfirete Shamolli, Drejtoreshë e QPS-së, anëtare
6. Milazim Miftari, Shef në Drejtoratin për Bujqësi dhe Pylltari, anëtar
7. Pranvera Krasniqi, Zyrtare në Drejtoratin për Kultur, Rini dhe Sport, anëtare
8. Rafete Retkoceri, Zyrtare në Drejtoratin për Shërbime Publike, Mbrojtje dhe Shpëtim, anëtare
9. Mirjeta Cakolli-Bajqinca, Doktoresh në QKMF-ja Lipjan, anëtare
10. Jetmir Bytyqi, Zyrtar në Drejtoratin për Planifikim, Urbanizëm dhe Mbrojtje të Mjedisit, anëtar
11. Shqipe Rexhepi, Zyrtare në Drejtoratin për Inspektorat, anëtare
12. Valdete Muji, Zyrtare Ligjore në Zyren e Kryetarit të Komunës, anëtare
13. Laureta Ahmeti, Zyrtare në Drejtoratin për Buxhet dhe Financa, anëtare
14. Fatlum Breznica, Zyrtar në Drejtoratin për Prokurim, anëtar
15. Merita Zeqiri-Magashi, Zyrtare në Drejtoratin për Infrastrukturë, anëtare
16. Shkelqesa Miftari, Zyrtare në Drejtoratin për Gjeodezi dhe Kadastër, anëtare
17. Feime Selmani, Zyrtare në Drejtoratin për Ekonomi dhe Zhvillim, anëtare
18. Vlora Shabani, Psikologe dhe asistente e fëmijëve me nevoja të veçanta në SHFMU “Vëllezërit Frashëri” në Lipjan,
19. Afrim Mena, Shoqata HANDIKOS dega në Lipjan, anëtar dhe
20. Fadil Behluli, Shoqata OMPAK dega në Lipjan, anëtar

Drejtori Shkelzen Hajdini tha se ky dokument është një angazhim serioz përmes të cilit Komuna e Lipjanit synon të përfshijë në mënyrë aktive të gjitha organizatat vendore, ndërkombëtare, OSHC-te dhe të gjithë akterët relevant në krijimin e një ambienti i cili garanton mundësi të barabarta dhe respektim të plotë të të drejtave të personave me aftësi të kufizuar.

Draft Plani i Veprimit dhe Strategjia për Personat me Aftësi të Kufizuara në Komunën e Lipjanit

2024-2027

INFORMATË RRETH KONSULTIMEVE PUBLIKE

Ndërsa të pranishmit paten rastin të inkuadrohen dhe të komentojnë rreth këtyre dy dokumente shumë të rëndësishme.

Hasan Luma, theksoi se Komuna e Lipjanit ka bere një pune te mire. Krahas dy dokumenteve tjera strategjike si: Plani komunal për barazi gjinore dhe Plani kundër dhunës me barazi gjinore po harton edhe Strategjinë dhe Planin e Veprimit për Personat me Aftësi të Kufizuara.

Ai kërkoj qe aktivitetet nga këto dy plane te cilat ndërlidhen me këtë strategji te përfshihen ne kete dokument. Po ashtu, ai theksoi se ne kemi një program për PAK dhe për barazi gjinore te bere me Handikos dhe OMPAK dhe kërkoj qe te shikohet ai program dhe te përfshijnë elementet e rëndësishme.

Komisioni u pajtua me kërkesat duke theksuar se dokumentet strategjike duhet te ndërlidhen njëra me tjetrën dhe kërkoj që programi i mëhershëm te gjindet nese ka mundësi dhe te dërgohet te Komisioni ne menyre qe te përfshihen elementet e rëndësishme nga ai program.

Makfirete Shamolli, u fokusua ne monitorimin e implementimit te këtij dokumenti. Ajo tha se ne dokument duhet te parashihet raportimi i rregullt i implementimit qofte te Kryetari i Komunës apo Asambleja Komunale. Me tutje ajo potencoi se ky dokument është ne harmoni me mandatin dhe politikat sociale dhe familjare.

Komisioni pranoi kërkesën dhe informoi se është i parapare ne dokument raportimi i implementimit te këtij dokumenti.

Shemsie Jezerci kërkoj qe ne këtë Plan te Veprimit te specifikohet sigurimi i psikologeve dhe logopedëve për nenat shtatzënë dhe fëmijët deri ne moshën 3 vjeçare me aftësi te kufizuara.

Komisioni pranoi kërkesën dhe theksoi se është e parapare angazhimi i psikologeve dhe logopedëve. Me tutje, zonja u informua se ne Komunën e Lipjanit është një OQJ e quajtur SMILE e cila ofron shërbime te psikologut dhe logopedit dhe te ngjashme.

Habibe Selmani, kërko qe me këtë dokument te rregullohen ambientet e punës për PAK, te luftohet bullizimi dhe stigmatizimi i PAK dhe te parashihet pjesëmarrja e PAK ne vendimmarrje.

Komisioni pranoi kërkesën dhe theksoi se janë parapare aktivitete për luftimin e stigmatizimit duke filluar nga familja, institucionet dhe ne shoqëri. Po ashtu komisioni informoi se janë parapare aktivitete për pjesëmarrjen e PAK ne vendimmarrje dhe për punësim dhe përmirësimin dhe adaptimin e ambienteve te punës për PAK.

Draft Plani i Veprimiit dhe Strategjia për Personat me Aftësi të Kufizuar në Komunën e Lipjanit
2024-2027

INFORMATË RRETH KONSULTIMEVE PUBLIKE

Takimi u mbajt ne Sallën e Kuvendit Komunal , filloi në orën 10:00 dhe mbaroi në orë 11:15

Metodat e Konsultimit	Datat/kohëzgjatja	Numri i pjesëmarrësve/konsultimin publik-kontribuuesve
15ditë pranohen komentet		15
15 ditë		

Në këtë takim konsultativ kanë marrë pjesë 15 pjesëmarrës, prej tyre femra 9 dhe 6 meshkuj.

Bukurie Zejnullahu-Jashari

Zyrtare përgjegjëse për koordinimin e konsultimeve publike

